

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 8. An & qualiter promissio futuri matrimonii intimari absenti
debeat, ut acceptari censeatur, & quis nomine ejus acceptare eam possit.

[urn:nbn:de:hbz:466:1-73973](#)

De Sponsalibus & Matrimonio.

cum ad tales obligationem sponsalitiam inducendam necessarius sit consensus Cajae reciprocus, qui ex eo, quod Deus illam promissionem acceptet, non ponitur. Neque opponas, posse adhuc absque eo, quod manifestetur promissio, acceptari promissum, vi nimis generalis acceptationis seu intentionis, quam Caja antecedenter dicit: accepto, si quid mihi Titus promiserit. Nam talis acceptatio generalis & indefinita, neque jure positivo, neque jure naturali sufficit ad acquirendum jus activum, vi cuius possit obligare quis alterum in commodum suum. Non jure positivo, arg. l. 10. de donat. ubi dicitur: *Si nescit rem, que apud se est; sibi esse donata, vel missum non acciperit, donare rei dominus non fit.* Non jure naturali; siquidem jure naturae non obligor, quod minus utar re mea, quamdiu ea mihi pleno jure subiecta manet; sed actus liberi, quamdiu subsunt secreto naturali, vi cuius non quidem Angelis, nisi nobis volentibus, cognosci queunt, cuique pleno jure subjecti sunt, non tantum ut possimus eos liberè occultare vel revelare, sed etiam sine ulla violata justitia vel infidelitatis nota retractare absque ulla alterius voluntate (hoc enim exigit plenum dominium) ac ita eo ipso nullam pariunt Justicia vel fidelitatis obligationem. Adde, quod, si meo actu merè interno jure naturali constituatur alteri jus activum, vi cuius obligarer ex stricta iustitia, natura approbat obligationem, quam approbari non esset consonum naturae, utpote ignoram omni homini & nullius usus. Quomodo enim habens generalem illam & conditionatam acceptationem, ignarus facte à me promissionis posset sibi arrogare jus V.G. itineris per fundum meum? & quomodo ignarus ejus acceptationis potero obligari ad ei resistendum?

Quest. 8. An & qualiter promissio futuri matrimonii intimari absenti debet, ut acceptari censeatur, & quis nomine ejus acceptare eam possit.

1. Resp. Ad primum: Promissio facta absenti, ut ab eo acceptari possit & censeatur, necessario intimanda ei per epistolam vel nuntium ad hoc specialiter destinatum; ita ut non sufficiat, ut alius tertius promissionem factam promissario declareret; non enim censetur promittentis voluntas unita voluntati promissarii, nisi per medium ab eo destinatum, neque promittens promissario loqui nisi per medium à se in eum finem assumptum, Sanch. l. 1. d. 6. num. 19. Castrop. l.c. p. 3. num. 4.

2. Resp. Ad secundum: Alius, qui ad acceptandum non habet speciale mandatum, nomine absenti pueræ stipulari nequit, ita ut promittens ex hac stipulatione jam obligatus existat, ac si pueram acceptasset, sed, ut promissio facta absenti animo contrahendi cum ea sponsalia firmitatem habeat, dum nemo adest habens speciale ad acceptandum mandatum, requiritur acceptatio per ipsam absentem praestita, antequam proinde promittens resilire potest; quia ante istam illius acceptationem nulla potest esse reprobatio, antequam nulla in promittente nascitur obligatio. Sanch. l. 1. d. 7. n. 32. juncto n. 12. Castrop. l.c. n. 6. Sed neque si liberaliter, & non sub conditione reprobationis promittat quis patri, tutori vel curatori pueræ absenti, se cum ea velle ma-

trimonium contrahere, stipulantibus etiam iisdem pro ea, adhuc non contracturum obligationem neque fidelitatis, neque iustitiae comparatione puellæ, tradit Castrop. l.c. contrarium sentiente Saneh l.c. n. 36. nimis quod, esto hac ratione directe se obligaverit patri, tutori &c. facta tamen sit hæc obligatio in favorem filiaæ, eique jus quæsumum. Pro ratione dat Castrop. quod, esto pater, tutor stipulari possit pro filio, si tamen factum cohæreat persona filii, nec patris interest ea stipulatio, valeat solum quoad filium, non quoad patrem, ut ex Bartol. ad l. quod dicitur. ff. de V.O. ipse Sanch. cit. d. 7. n. 6. jam verò matrimonium, quod promittit se contracturum cum puerâ, pueræ adhæreat, & nec patris illius nec alterius interfit; cùm sit factum personale, non reale; adeoque comparatione pueræ (quippe qua existimare posset illam promissionem sibi non esse utilem) ante acceptationem ab ea factum valere nequit.

Quest. 9. Num igitur promissio futuri matrimonii etiam manifestata Cajae nullatenus Titum promittentem circa acceptationem Cajae obliget?

1. Esp. Affirmative; ad omnem enim promissionem, ut vi illius obligetur promittens, acceptatio illius requiritur necessaria, si non tanquam constitutivum illius intrinsecum, saltem tanquam complementum & conditio sine qua non habet promissio vim obligandi, neque naturaliter, hoc est, in conscientiam dependenter à lege humana concedente promissario actionem contra promittentem, multoque minus civiliter, hoc est, ita ut jure sic statuente concedatur promissario quoque actio contra promittentem in foro externo, quippe quæ semper, quamdiu acceptata non est, revocari potest absque eo, quod quicquam agatur contra veritatem aut etiam fidelitatem; cùm semper sic sit conditio: si alter velit: nimis acceptare jus ei à me oblatum; aut etiam contra iustitiam seu jus quæsumum per tales promissiones alteri; cùm jus nullum in alterum transferri queat eo ignorantie seu non volente, Castrop. l.c. Proceditque id ipsum, etiam promissioni internæ adjiciatur juramentum. Nam si talis promissio non obliget in vi promissionis, antequam acceptetur, neque hoc juramentum obligabit, utpote merè accessorum promissioni, cuius proinde naturam sequitur; adeoque sicut hæc promissio, ita & hoc juramentum imbibit dictam conditionem; si à promissario fuerit acceptata. Sanch. de Sponsal. d. 7. n. 24. & 25. Gutt. de mat. c. 6. n. 26. Secus tamen est de juramento per se stante de contrahendo matrimonio, quod etiam non stante promissione obligabit. Gobat. Th. experim. tr. 10. num. 21.

2. Neque opponas primò: Promissio matrimonii facta infanti revocari nequit, quoque infans veniat ad etatem, in qua aptus est acceptare promissionem, Arg. l. jubemus. c. de emancip. liberalior. Ergo hæc obligatio potest absque eo, quod innotescat alteri, aut ab eo acceptetur. Nam Castrop. l.c. Cón. d. 22. du. 6. num. 26. & alii negant absolute antecedens contra Sanch. d. 6. num. 29. Gutt. l.c. num. 11. nullatenus obstante cit. leg. dum pater, etiam invito filio,